



3. februar 2022

UPA2022/112

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuummik imaattumik saqqummiussaqarpunga:

Nunatta namminiilivinnissaannut sulineq sakkortusillugu oqartussaaffiit nunatsinni ingerlatarinngisatta nunatsinnit ingerlanneqalernissaannik siunnerfeqartumik sulinerup aallartinneqarnissaa siunertaralugu apeqquteqaat aallaavigalugu oqallinnissamik siunnersuut.
(Inatsisartunut ilaasortaq Vivian Motzfeldt, Siumut)

Tunngavilersuut:

Nunatsinni najugaqartut amerlanerussuteqarluartut qaqquguussagaluarnersoq nunatta namminiilivinnissaannik kissaateqartuupput. Tamanna aamma ersarissumik qinersisartut taasisarnermikkut takussutissaqartittarpaat, tassami ukiorpassuanngortuni Partiit namminiilivinnissamik siunnerfeqarlutik sassartartut amerlanerussuteqangaartunit taassiseqartarmata. *Oqallinnissamuttaaq innersuukkumavakka Namminersorneq pillugu Isumalioqatigiissitat suliassaqarfittut tiguneqarsinnaasutut tikkuarsimasaat, maani oqallinnissatsinni ilanngullugit eqqarsaatitsinni ilaatittariaqakkavut nalilersortariaqakkavullu*¹.

Oqaluttuarisaaneq qiviartsigut tamat oqartussaaqataanerat nunattalu nammineq aaliangiisinhaassuseqartunik Inatsisartoqalernera 1979-mi pisoq nunarpassuarnut allanut ukiuni hunnorujulikkaani tamat oqartussaaqataanerannik ingerlatsiviusimasunut sanilliutissagaanni piffissaq siviloorsuارتut taaneqarsinnaanngilaq. 1979-imi Namminersornerulersimaneq suli sakkortusillugu 2009-mi nunarput namminersulerpoq, tassa Namminersorneq pillugu Inatsit Inatsisartutigoortumik akuersissutigineqarnermigut atuutsilersinneqarmat. Suliassavulli tassungaannaq killittussaanngillat, ingerlaqqittariaqarpugut.

Namminiilivinnissaq, nammitsinnillu tamakkiisumik nunatsinnut tunngassuteqartuni aqtsinissaq politikkikkut anguniarneqarturopq. Siumullu pilersinneqarneranit anguniakkani naqinnerit oqaaseqatigiillu pisoqaanersaat aamma tassannga aallaaveqarput, tassa alisissumit aqunneqarneq tamakkiisumik nungutikkiartorneqassasoq, nunarput inuilo namminneq aquummik tigusissasut allangortitassaanngitsumik anguniakkatsinni naqissimasuutigatsigu.

Nunarput inuilo pillugit aaqqissuussineq ingerlattariaqalerparput. Nunatta inuisa kissaatigaat namminiilivinnissaq qulequettallu taassumap qanoq paasineqarluni tunngavissinneqarlunilu ilusilersorneqarnissaa pisariaqartoq, qulequettami taamak pingaaruteqartigisumi innuttaasunik nalornisitsineq piffissaanngimmat. Piffissaq qaangiuttariaqalerpoq oqarluartaarnerinnarmik nipeqalersillugu qulequettap oqallisigineqarnera. Tamatta politikeriugutta innuttaaqataaguttaluunniit tigussaasumik, ersarissumik takorlooruminartumillu tamassumap qanoq anguneqarnissaa oqallisigilertariaqarpaput.

¹ <https://naalakkersuisut.gl/kl-GL/Naalakkersuisut/Selvstyre/Aar-2008/Sagsomraader-der-kan-overtages-under-selvstyret>



Nunasiaataasimancerup kalunneri oqimaatsut aatsaat katsorsarneqarsinnaapput nuna tummisatta tamakkiisumik uagut nammitsinnik ileqquvut, inuusaaserput naleqartitavullu aallaavigalugit aaqqissuussinitsigut.

Nallinnartunnguatut immitsinnut inissilluta qulequttani pingaarutilinni oqalliseqarnissarput kissaatigingilara, pissaaneq piginnaasallu pigisavut taamaaliornitsigut millilerneqartarmata. Nunami maani peqqarniissinnaaqisumi inuit kingulissaqaqqullutik inuuginnarsinnaasimasut nallinnartuunngilluunnarput – Akerlianilli piginnaanilissuullutik pikkorissut aporfiusinnaasorpassuarnik namminneq aaqqiissutissamik pigisaqartut. Sanngiiffivut kisiisa eqqartorunnaarlutigit pikkoriffivut sapinnginnerpullu sallinngortillugit oqalliseqarneq pisariaqarteqaarput, taamaammat ingerlariaqqissinnaaqqulluta qulequtaq qaqpippa.

Ilitsoraanga avatangiisinnit oqaaqqissaarneqarlunga nunarput namminiilivikkumaarmat ilinniarluarnissaq pingaaruteqartoq, ilitsoraanga taalliorut, atuakkiorut, inuillu oqalugiaatiminni kiffaanngissuseq namminiilivinnissarlu taakkartortuaraat. Taamaammat Siumumi qularnata ingerlariaqqittariaqarnitsinnillu ilisimaarinnilluarluta qulequtaq pingaarutilik qaqpipparput ingerlariaqqittoqartariaqarmat.

Oqartussaaffiit nunatsinnit ingerlanneqanngitsut nunatsinnit tiguneqarnissaannut sammisumik pilersaarusiorneq Naalakkersuisut suliarissagaat uani oqallinnissami siunertaraara, neriuutigalugu maani inersuarmi oqaloqatigiinnerput tunngavissiissasoq UPA23-mi Naalakkersuisut Inatsisartut oqaloqatigiissimancerat tunngavigalugu sammivilersuisimallutik inuiattut ingerlariaqqinnissatsinnut naammassisqarsinnaajumaartut.

Oqallittoqarluarnissaannik kissaateqarluta.